



## Universitätsbibliothek Paderborn

**R. P. F. Ioannis Nider Ordinis Prædicatorum Theologi De  
Reformatione Religiosorvm Libri Tres**

**Nider, Johannes**

**Antverpiæ, 1611**

XIV. Quando timent sequi in diuino officio, vel seruitio, personarum paucitatem; declarat contrarium, & quomodo hoc non sit timendum. Et quòd obsequi a amalorum, modicùm; bonorum verò, multùm Deo ...

[urn:nbn:de:hbz:466:1-45728](#)

non multi nobiles: sed quæ stulta sunt mundi, elegit Deus, ut confundat sapientes: infirma mundi elegit Deus, ut confundat fortia: & ignobilia mundi, & contemptibilia elegit Deus, & ea quæ non sunt, ut quæ sunt destrueret, ut non glorietur omni caro in conspectu eius.

## C A P V T X I V .

*Quando timent sequi in diuino officio vel seruitio personarum paucitatem; declarat contrarium, & quomodo hoc non sit timendum. Et quod obsequia malorum, modicūm; bonorum vero multūm placent Deo.*

**A**D yndecimum, quando inferunt ad reformationem sequi personarū paucitatē pro diuino officio in multitudine Misfarum celebrandarū, respondetur: quod etī illud est verum pro tempore, quo inchoatur reformatio; tamen, prout vbiique ferè videmus in monasteriis reformatis, postmodum maior suppositorum est numerus, quam antea: imò conuentus reformati velut sāgenæ sunt ad augendum suum Ordinem. Sed esto, quod Religiosi deformati sint multi, quando mali sunt: melius tamen effet habere paucos & bonos bene reformatos.

tos. Audiant de hoc, qui volūt, Scripturam:

*Multiplicasti gentem, & non magnificasti Isa. 9.3.  
lexitiam. In multiplicatione enim iustorum,  
latabitur vulgus: cum impij sumpserint  
principatum, gemet populus, dicit Salomon Prover. 29.2.*

Proverb. 29. Modicum tales patrem suæ

Religionis, & matrem sanctam Ecclesiam  
plerumque consolantur. Vnde Proverb. 10.

*Filius sapiens latifical patrem; filius vero Ibid. 10.1.  
stultus, mæstitia est matris suæ. Et 17. eius-  
dem: Ira patris filius stultus, & dolor ma- Ibid. 17.25  
tris, quæ genuit eum. Factâ verò refor-  
tione, apte cōsolando Religionem, possunt,  
sicut dictum est ad Noëmi, dicere plurimi:*

*Benedictus Dominus, qui non est passus, ut Ruth vlt.  
deficeret successor familiæ tuæ, & vocaretur v. 14.*

*nomen eius in Israël: & habeas qui console-  
tur animam tuam, & nutriat senectutem.*

*De nuru enim tuâ natus est qui te diligit, &  
multò tibi melior est, quam si septem habe-  
res filios: peruersos videlicet. Eidem alludit  
illud Sapient. 3. Felix steriles & incoinqui- Sap. 3. 13.*

*nata, quæ nesciuit torum in delicto, habebit  
fructum in respectione animarum sancta-  
rum. Meliusque respondet dictæ obiectioni  
vndecimæ, Sapiens Eccli. 16. Ne iucunderis Eccli. 16. 1.  
in filiis impiis, si multiplicentur, nec oble-  
teris super ipsos. Si non est timor Dei cum  
illis, ne credas vitæ illorum, & ne respexeris*

in

*in labores eorum. Melior est unus timens  
Deum, quam mille filij impij. Et utile est mori  
sine filiis, quam relinquere impios filios.  
Ab uno sensato inhabitabitur patria, &  
tribus impiis deseretur. Multa talia vidi  
oculus meus, & fortiora horum audiuit an-  
ris mea. Et quid si quibusdam fortassis irre-  
ligiosis, qui de multitudine Missarum glo-  
riantur, quas legunt, diceretur; ut aduer-  
tent illud*

Prou. 21. 27

*Prouerbiorum vigesimum primum:  
Hostiae impiorum abominabiles, quae offe-  
runtur ex scelere. Scimus præterea Deum  
olim similia deformatis exprobrasse sacer-  
dotibus per sanctū Isaiam, dicentem eius-  
dem primo: Audite cœli, & auribus peri-  
pe terra: quoniam Dominus locutus est: Fi-  
lios enutriui, & exaltaui, ipsi autem spre-  
runt me. Et infrā: Quo mihi multitudinem  
victimarum vestrarum? dicit Dominus. Ple-  
nus sum. Holocausta arietū, & adipem pin-  
guum, & sanguinem vitulorum, & agne-  
rum, & hircorum nolui. Cūm veneritis ante  
conspectum meum, quis quæsivit hæc de ma-  
nibus vestris; ut ambularetis in atriis meis?  
Ne offeratis ultra sacrificium frustra. In-  
censum abominatio est mihi. Neomeniam, &  
sabbatum, & festiuitates alias non feram.  
Iniqui sunt cœtus vestri. Kalendas vestras,  
& solemnitates vestras odiuit anima mea.*

Isa. 1. 2.

Facta

*Facta sunt mihi molesta: laboravi sustinens.*  
Hæc enim in deformatis sacerdotibus locum habere non dubito, quatum est ex parte operis operantis, in eorum officiis: quamquam aliter sit ex parte operis operati, scilicet in quantum faciunt in personâ Ecclesiæ. Semper tamen, ex parte malorum Religiosorum, maior in sancta tangendo augetur in eis damnatio. De quâ materiâ habes libro 2. cap. 6. Fortassis me redarguet aliquis reformationis æmulus, quod Religioni pertalia detraho. Cui respondeo: Non Religionem, sed irreligiosos calumnior, & deformitatem eius detectabilem esse pronuntio. Quod si Clericorum aut Religiosorum aliqui de se mala dici horrescant, vitent opera, quæ passim nimis in manifestum ponunt; ita ut lapides, id est sæculares, clamitent, etiâsi ipse sileam. Noui enim nuper in Alemania quendam Principem, qui sub suâ dilectione monasterium quod habuit abundans in fratribus, & ubi Missæ celebrabantur plurimæ: cumq; à quodam reformatore petisset, ut monasterium dictum reformare conaretur; annuit ille, sed subintulit: Domine Princeps, voluntarios & reformatos fratres adducam; quia per inuoluntarios, vincentes votum multitudine, nihil proficimus; bonos adducam & paucos: quia alibi reformare

G

etiam

etiam expedit, nec multitudinem Missarum nunc habere potestis in breui, sicut antea. Cui Princeps sic respondit: Plus in stabulo meo diligo tres equos bonos, quam septendecim malos. Benè ergo Princeps iste, & cōformiter respondit, supradictis se cōformando Scripturis. Vt inam autē in quibusdam monasteriis & conuentibus, qui de multitudine personarum gloriantur, non reperirentur inter Religionum supposita, sub uno patre filij septem capitalibus repleti vitiis: vtputa quidam filij superbiæ cum eorum rectore & ca-

Iob 41.25. pite, de quibus dicitur Iob 41. *Ipse est Rex super omnes filios superbie.* Filij inuidi, quos

Ephes. 5. 6. Apostolus ad Ephes. 5. vocat *filios diffidentiae.* Filij auaritiae, cum Iudâ, de quo dicitur:

Ioan. 17.12 *Nemo peribit ex eis, nisi filius perditionis.* Filij iracundi, ut Nabal, de quo 1. Reg. 25.

1. Reg. 25. *Vir durus, & pessimus, & malitiosus.* Et post:  
3. *Ipse filius Belial, ita ut nemo possit ei loqui.*

Prou. 10. 5. Filij acidiosi, de quibus Prou. 10. *Qui congregat in messe, filius sapiens est; qui autem*

*sterilitate, filius confusionis est.* Filij luxuriosi, fratres & imitatores illius filij pro-

Luc. 15. 13 digi, qui *omnem substantiam cōsumpsit cum meretricibus.* Et filij gulosi cum filiis Heli,

1. Reg. 2. 12 1. Reg. 2. de quibus ibi dicitur: *Porro filij Heli, filij Belial, nescientes Dominum, neque officium Sacerdotum ad populum.* Et secun-

cundūm litteram dicit Magister in historiis Comestor.  
 Scholasticis, partem sacerdotalem de sacri-  
 ficiis, antequam adolerent adipem, tollebāt,  
 scilicet, ab offerentibus crudam carnem, ut  
 sibi lautiū pararent eam. *Et mittebat puer  
 sacerdotis fuscinulam in ollam, & quidquid  
 leuabat fuscinula, erat sacerdotis.* Quod  
 non erat portio, sed rapina. Ex quibus om-  
 nibus modò manifestum est, quām nudos  
 se esse à veritate professi sunt reformationis  
 inimici, quando in vndecimā obiectione se  
 sæculo conformatorum multitudine arma-  
 uerunt.

## C A P V T X V.

*Quando conqueruntur ad reformationem  
 sequi pacis turbationem; docet quòd du-  
 plex est pax & discordia; & quando scan-  
 dalum sit timendum, & quando non.*

**A**D duodecimum, quando obiiciunt,  
 quòd in reformādo sequitur commu-  
 nis inter fratres turbatio pacis, cùm quidam  
 sunt voluntarij, alij inuiti: imò aliquando  
 omnes sunt in monasterio vno inuoluntarij,  
 quibus si noui in lege Dei beneuoli addan-  
 tur, aut priores expelli curentur inuiti, se-  
 quitur murmur & turbatio, pacisque fuga-  
 tur tranquillitas. Et quod longè est formi-

G 2 dabi-